

A.S.U. cu control na porta

ORANJESTAD (AAN) - Directiva di Aruba Sport Unie ta pone na conocimiento di tur esnan cu lo asisti na e eventonan Carnavalesco den Wilhelmina Stadion y Lago Sport Park cu lo tin control na entrada riba esnan cu ta drenta cu productonan alcoholico y no alcoholico.

Directiva di Aruba Sport Unie ta prohibi pa hende drenta cu jugs, containers y otro modanan cu ta indica cu tin consumo personal.

A.S.U. y S.A.C. y otro instancianan ta ofrece bar y cushina bon surti y varia na e publico

carnavalesco.

Control muy en particular lo worde haci na esnan cu ta drenta cu boter di glas of bleki.

E artefactonan aki ta worde considera como obhetonan peligroso pa seguridad publico y nan por ta danino pa e tereno di wega.

E aviso ta conta especialmente pa e publico carnavalesco pa nan no keda desapunta si nan entrada worde rechaza si no sigui instruccinanan ariba menciona.

A.S.U. lo pone un borchin indicando e prohibicion ariba menciona.

Lia Melis cu otro exito

ORANJESTAD (AAN) - Lia Melis a competi durante fin di siman cu ta tras di lomba na Freeport Bahamas, y a logra un otro exito.

Lia a core e distancia di 10 km organiza pa Bahamas Princess.

Den openklasse 20-29 aña Lia a logra di tercer lugar cu un tempo di 38 minuut 40 seconde tras di e ganadoran Wendy Sly di Inglatera y Cyndie Welte di Merca.

Categoria homber a ser gana pa e Mericano Keith Brantley.

Proximo competencia di Lia ta 19 di Februari na Taiwan.

Sparta a kibra invicto di optica

ORANJESTAD (AAN) - Dialuna anochi na continuacion di e campeonato di futbol di sala, Sparta Arends Construcion a kibra invicto di Optica Moderna den un partido hopi emocionante ariba un nivel hopi halto.

E partido a termina 4-3. Pedro Korsen a hiba Sparta ariba. Un auto gol den segundo tempo a hiba Sparta ariba 2-0. Rudsel Orman a haci e wega 3-0.

Roelefs Valk a anota un penalty pa haci e wega 3-1. Optica Moderna ta bolbe haya un penalty y pa di segundo vez Valk ta tira afo.

Jerry Willems a haci e wega 4-1. E rumannan Nelo y Meeuw a corta e ventaha te na 4-3, pero no por a logra e gol di empate.

No tin duda cu e dos penaltynan a costa e invicto di Optica Moderna.

Oficina di estadistica a muda

ORANJESTAD(AAN) -- Oficina di Estadistica (Centraal Bureau Statistiek) a muda recientemente pa su oficina nobo na San Nicolas.

E oficina ta situa awor den Torenstraat 11 na San Nicolas y e numbernan di telefon ta 46609 y 46100.

Hefe y personal di e Oficina Central di Estadistica ta spera di por continua dunando servicio na e comunidad Arubano awor den nan oficina nobo.

Telefoonnan di Diario
Tel: 26747
Tel: 22207
Tel: 35026

Ola amiguitosnan y henter Aruba, especialmente nos Dushi O'sta.
Mi number ta :

CHARLOTTE ODUBER

mi ta representa nos districto di O'sta den eleccion di REINA INFANTIL di Aruba.

Diahuebs dia 26 di Jan. na Wilhelminastadion.
Mi ta spera cu bosonan tur bin apoyami y pasa un Bon Carnaval 35. Por pasa pa T-Shirt for di Diahuebs mainta na Bontemantelstraat 17.



THE DISTRIBUTOR

Piedra Plat 52 - Tel/Fax: 22252

Nos tin pa ofrece na e Pueblo Arubano:

CEILING FANS di 5 blades	Afls. 155,00
LUZ pa FAN	Afls. 25,00/30,00/50,-
CANON Phonefax 20	Afls. 3000,00

TELEVISION - VIDEO PLAYERS y hopi mas

Tambe nos tin Nitendo Action Video Games.

Especialmente pa e FIESTANAN di CARNAVAL: TASNAN di CINTURA.

Nos kier recorda e pueblo di Aruba, ariba nos servicio di Order. Entrega den 3 dia.

Nos tin tur sorto di CATALOG na Bo disposicion. Nos a caba di ricibi entre otro Catalog di Muebles, Aparatonan Electrico, Piezanan pa Tractors, Trucks, Auto y Hopi otro mas. Nos ta habri for di 9'or mainta te 9'or anochi. Dialuna te Diasabra y corda ariba nos numbernan di telefoon 22252

DOUBLE SEVEN A PROPINA FERMIN'S PUMA OTRO DEROTA

ORANJESTAD (AAN) Double Seven champion di aña pasa cu golnan di Verio Emerenciana y Rafael Vanegas, ayera noch riba cancha di C.B. Savaneta a vence e muchanan di Noord, Fermin's Puma Boys cu score di 4-3, den un wega hopi emocionante.

Esaki tabata di dos derota consecutivo pa e team di Fermin's Puma Boys, cu apesar di e derota a mantene e tercer puesto, mientras cu e lecheronan ta na di 3 lugar cu 8 punto.

Chommy van der Linden cu un tremendo disparo ta vence e portero di Fermin's Puma Boys, Kiki Tromp cu un tiro lastra ta vence e keeper Kock, pa e gol di iguala e score 1-1.

Rafael Vanegas, un hungador hopi peligroso, ta haci e wega 2-1.

Den e di dos tempo Rafael Vanegas ta amplia e ventaha na 3-1, y Rafael Vanegas un biaha mas ta anota pa haci e wega 4-3.

Kiki Tromp, Glenn Tromp, Maikel Tromp a score pa Fermin's Puma Boys.

Glenn Tromp y Rafael Vanegas, mester a bay sinta 2 minuut, esaki tabata e emocion y cayente di e partido.

Double Seven ta continua invicto den 6 wega hunga, 4 wega gana, 2 empatada y 0 derota.

Fermin's Puma Boys a hunga un gran wega pero no por a anota suficiente pa sali vencedor.

CELEBRACION di S.V. "ARSENAL" su 25 Aniversario

Diahuebs: 26 Januari 1989

6.30 P.M. Ponemento di Krans na Graf di:

Antonio J. Morillo (q.e.p.d.) Ex-Fundador

7.00 P.M. Santo Sacrificio di Misa pa gradicimento y pa descanso di alma di difuntonan. Ex miembro y miembronan.

8.00 P.M. - 10.00 P.M. Receptie na Club

Tur ex-Bestuur y Ex-Miembronan y Actual Miembro y Miembronan acepta esaki como un invitacion personal.

CELEBRA CARNAVAL cu

FUN WORLD

PROMENADE San. Nicolas

SANDALIA "Granturismo" Fls. 36,- So.

SAPATO PLAT y HALTO pa: Fl.5,- Fl.9,95, Fl.15,- y Fl.19,95

TAMBE: BLAAS, FLUIT, STROOITJES MASCARADA etc.

